

Kroazia prest dago bere gutxiengo serbiarrarekin negoziatzeko

Lurralde osotasuna eztabaidatzen ez den bitartean ahal duena egingo du


Kroaziako Gobernuak prest dago edozein konpromezu politiko hartzeko, bere lurralde osotasuna eztabaidan jartzen ez bada. Jugoslaviako Lehendakaritza Kolegiatuak suetena deklaratu zuenetik, borrokak baretu egin dira Kroazian, noizean behin enfrentamendu txikiak badaude ere. Lehendakaritza jugoslaviarrak eraturiko Estatu Komiteak agintari kroaziar eta gutxiengo serbiarren ordezkariak bildu zituen Eslavoniako Dalj herrian.

DONOSTIA

Zdravko Tomac-ek, Kroaziako lehendakariordeak atzo adierazi zuen «Gobernu hau bakea lortzeko edozer gauza egiteko prest dagoela, baina gerrarako ere prest dagoela, ez bait da ahaztu behar herri honi eraso egin diotela». Horregatik, gutxiengo serbiarrarekin negoziatzeko prest agertu zen bai bera, bai Gobernu kroaziarra ere.

Bestalde, borrokarik gogorrenak egon ziren herrian bildu ziren atzo kroaziar eta serbiar ordezkariak Estatu Komitearen artekaritzarekin, Esloveniako uztabiltzearekin amaitzeko tregua lortzeko helburuarekin. Lurralde hau nekazararitza bizi da batez ere, eta Jugoslaviako bihitegitzat jotzen dute. Horregain, komunikazioak eta trafikoa normaltasunera bueltatzeko ere bildu zituen Estatu Komisioak Kroaziako gatazkarren bi aldeak.

Atzo amaitsu zen baita ere, Lehendakaritza Kolegiatuak bi aldeei beren gerra prisioneroak askatzeko ja-



Armada jugoslaviarraren tanke bat Kroaziako kaleetan zehar.

urritako epea, baina askatu dituzten ala ez, oraindik ez dago berririk.

Herenegun gauean, Goardia Nazional kroaziar bat hil zuten gerrilari serbiarrek, baina horren ondoren berriro baretu egin ziren borrokak. Osijek-en, Eslavoniako hiriburuan tiro batzuk egin zituzten bi aldeek, inongo kalterik sortu gabe. Banija eta Krajina-n, Kroaziako beste bi puntu gatazkatsuenetan, ez zen borroka berrien notiziarik iritsi.

ZIGOR EKONOMIKOAK KRAJINARI

Azken bi lurralde hauetako herri serbiarren aurkako zigor ekonomikoak ezarri dituzte agintari kroaziarrek. Krajinan, joan den martxoan Kroaziatik bereiztu eta Serbiari lotu zitzaion lurraldean, trenbide komunikazio guztiak eten ditu Zagrebek. Agintari kroaziarrek adierazi dute neurri honek aurrera egingo duela «Krajinak ohostutako 32 gari bete bagoi eta fosfatoz bete 60 ibilgailu eta hiru kamioi itzultzen ez dituzten bitartean».

Duela hilabete batzuetatik gaur-

daino, Krajinari dagozkion dirusrerera guztiak Zagreben geratu dira, baina uste da, lurralde hau Serbiak sarritan hornitu duela janari eta diruz.

CSCE-K ERABAKI BERRIAK

Europako Segurtasun eta Kooperaziorako Kontseiluak (CSCE) «suetena errespetatu dadin azken deialdia» egin zuen, atzo bileraren lehen egunaren ondoren hartutako erabaki moduan. Bost orduko eztabaiden emaitza den agiria onartu zuten gainera CSCEko 35 partaideek «alde guztiak errespetatzen duten sueten iraunkor, oso eta eraginkorra» eskatuz.

McCarthyk Yihaden proposamena igorriko dio NBE erakundeari

DONOSTIA

John McCarthy bahitu britainiar askatu berriak igandean eman diezaiok Javier Perez de Cuellar Nazio Batuen Erakundeko lehendakariari Yihad Islamiarra Libanoko erakunde integristaren mezua. Adituen arabera, bahitu mendebaldarrak askatzea eskainiko du Yihadek mezuan, Israel eta israeldarren aldeko milizien eskuetan dauden xii presoak libre uztearen truke.

Itxura denez, integristen asmoa Israelek Abdul Karim Obeid imanaren askatasuna lortzea da, Libanoko hegoaldeko Kham presondegian dauden 350 gartzelaratuekin batera. Israelek ordea edozein negoziaketaren aurretik 1982tik hona desagertu diren zazpi militarren berri «exigitu» du, bahitu eta presoan arteko trukearen aurrean aldeko jarrera erakutsiz.

«Bahitu eta presoan trukea negoziaketa sekretuen fritua da ohiz, baina orain ez dago antzerako harremanik terroristekin», azaldu zuen Moshe Arens Defentsa ministro kontserbadore israeldarrak. Israelek sei alditan izan ditu honelako negoziaketak 1968tik.

Siria eta Iranen artekaritza garran-

Horrez gain, herenegun begirale talde bat bidaltzeko hartu erabakiaren xehetasunak zehaztu zituzten atzoko bileran, aho batez Europako Komunitatearen (EK) proposamena onartu eta gero. Atzo hartzekoa zen erabakia Eslovenia eta Kroaziara gutxienez 200 eta gehienez 500eko begirale misioa ezartzea zen. Jugoslaviaren ekimenez talde honetan Txekoslovakia, Canada, Polonia eta Suediako ordezkariak izango dira.

Jiri Dienstbier Atzerri ministro txekoslaviarrak garrantzitsuen «Jugoslaviarrak beraien artean ados jartzeko bidea aurkitzea» dela adierazi zuen. Arazoak paneuropar zentzua hartzen duela Europaren kasuan azpimarratu zuen ministroak eta honen kausaz estatu europar guztiak presio bide zenbait jartzea beharrezkoa dela azaldu zuen, «behin-behineko laguntza eman edo zerbitzuak eskaintzearekin batera».

Nejco Nejcev, Bulgariako ordezkari buruak esan zuen, gatazkarren irtenbidea aurkako aldean adostasunaz gaudituz behar dela. Mazedoniako erreferendumari buruz, errepublika horrek hartzen duen edozein erabaki errespetatuko duela, berarekin lurralde arazorik ez duela gaineratuz. Estatu Batuetako Estatu Departamentuak, bestalde, Jugoslaviako estatubatuarrei, batez ere Kroazia eta Esloveniako, «ahal duten azkarren» bertatik alde egiteko aholkua eman zien, egoera geroz eta txarragoa dela argudiatuz.

tzitsua izan da prozesu honetan, Britainia Handiak herrialde biekien erlazio diplomatikoak duela gutxi jarraitzea bezala. Naser Kadur Siriako Kanpo Arazoetarako ministroak bahituen askatasuna lortzeko asmoa agertu zuen herenegun, eta Iranek, atzerrirako zabalkuntza komertzialen eraginez antzeko jarrera du, «Al Shira» libanoar aldizkariak argitaratu duen bezala.

Siria eta Iranen laguntza duen irtenbide egitasmo hau, hutsala gertatu daiteke «Atxilotuen Babeserako Erakundea» talde integristak Jerome Leyraud sendagile frantziarra bahitu ondoren. Ekintza honek agerian jarri ditu iraniarren aldeko mugimendu integristaren barne banaketak, jarrera erradikalagoen proiektuaren aurkako mehatxuekin. «Bahiketa baieztatzen bada, ez du lagunduko mendebaldeko bahituen askatasuna lortzeko», adierazi zuen Perez de Cuellarrek, Frantziako Atzerri Ministeritzaren baieztapenaren berri izan baino lehen. Polizia libanoarra eta Armada siriarrak inteligentzia zerbitzuak Leyrauderaren bila segitzen dute atzotik. Atxilotuen Babeserako erakundeek frantziarra hil egingo dutela adierazi dute, Yihadek beste bahitu bat askatzen badu.

Lituanian armekin babesteko eskubidea aldarrikatu du

VILNA

Lituanian agintariak armen bidez defendatzeko eskubidea aldarrikatu dute, beharrezko gertatuko balitz, eta populazioari dei egin diote «arma fondo» bat osatzeko autodefentsa eta muga postuetako indarrak hornitzeko. Vilnako agintariak hartutako neurri honen arrazoa igaro den uztailaren 31n Medininkay muga pasabidean izandako borroka da, 9 lituanian mugazain hildako eragin zituena.

Lituanian muga eta aduana pasabideak trintxera eta alambre hesiz ari dira babesten. Lituanian Fiskalia Nagusiak «baimen ofizialik gabe dituzten arma, munizio eta lehergailu guztiak» arma fondora emateko eskatu zien hiritarrei, muga eta aduana postuetan segurtasuna areagotzeko.

Erabaki honen beste helburu bat errepublikako biztanleek egin ditzaketan SESBko Armada edo Barne Ministeritzako indarren aurkako ekintzak eragozteko da. Orain arte lituanian Medininkayko gertaeraren aurkako protesta bidea erahilketen ustezko errudunak diren errepublikatik SESBko Barne Ministeritzako tropa bereziak (Omon) kanporatzea exigitzea izan da. Lituanian prentsak Omon eta antzerako «indar errepresiboen presentzia» azpimarratu du arma fondo sortzeko argumentu nagusi gisa.


Jordaniak Irak eta kurduen arteko negoziaketak bultzatu nahi ditu

DONOSTIA

Turkiako Armada kurduen errefuxiatu kanpamendu irakiarren aurka erasoak egiten ari den bitartean, Jordania Irakeko Gobernuak eta kurduen ordezkariak egiten ari diren negoziaketa elkarrizketen aldeko agertu zen atzo.

Jordaniako Hussein erregeak horrela azaldu zion atzo Jalal Talabani-ri, Kurdistaneko Batasun Patriotikoko buruzagiarri. Saddam Hussein lehendakari irakiarra eta kurduen ordezkariak Kurdistan irakiarren lurralde autonomo bat eratzeko negoziaketetan dabilta, eta azken berriek diotenez, bide onetik doaz negoziaketak.

Baina Turkiak ez du etsitzen eta atzo adierazi zuen kurduak birrindu arte jarraituko duela erasoekin. Hildako eta zauritutakoen berri eman ez bada ere, asko izan daitezkeela adierazi dute iturri batzuek.



ALBANIako milaka errefuxiatu Bariko estadioan itxaroten ari dira, daude gauez matxinada egiten saiatu ondoren, Italiako Gobernuak berriro bere herrialdera noiz eraman zain. Bari-Paleseko aireportutik irten zen atzo lehen hegazkina errefuxiatuekin eta laster operazioak jarraituko du itsasoz. Italiako ordezkariak bat Albaniara joan zen «legez kanpoko neurrigabeko emigrazioa» ezin dutela utzi adierazteko eta arazoa konpontzeko laguntza eskaintzeko.